



Na osnovu člana 3. stav (1) Zakona o službi u OS BiH ("Službeni glasnik BiH", broj: 88/05, 53/07, 59/09 74/10, 42/12 i 41/16), u skladu sa odredbama 2, 20, 21, 22, 23, 24, 25, 26. i 27. Pravilnika o školovanju i usavršavanju u MO i OS BiH, broj: 13-02-3-1632/10 od 01.04.2010. godine, a u cilju odabira kandidata/kinja za školovanje na Vojnim akademijama u inostranstvu, Ministarstvo odbrane Bosne i Hercegovine **raspisuje**,

JAVNI KONKURS
za školovanje kadeta na Vojnim akademijama Oružanih snaga Republike Turske,
za školsku 2017/2018. godinu

I - PREDMET KONKURSA

Ministarstvo odbrane Bosne i Hercegovine raspisuje javni konkurs za školovanje kadeta na Vojnim akademijama Oružanih snaga Republike Turske, za školsku 2017/2018. godinu po sljedećem:

- a) na Vojnoj akademiji kopnene vojske – maksimalno petnaest (15) kandidata,
- b) na Vazduhoplovnoj vojnoj akademiji – maksimalno četiri (4) kandidata.

II - USLOVI KONKURSA

1. **Opći uslovi** su propisani članom 9. Zakona o službi u Oružanim snagama BiH ("Službeni glasnik BiH broj: 88/05, 53/07, 59/09, 74/10, 42/12 i 41/16"):
 - a) da je državljanin Bosne i Hercegovine,
 - b) da je zdravstveno sposoban za službu u oružanim snagama,
 - c) da nije osuđivan na bezuslovnu kaznu zatvora u trajanju dužem od šest mjeseci,
 - d) da nije prethodno otpušten iz državne službe ili pravnog lica zbog povrede službene dužnosti u posljednje tri godine,
 - e) da se protiv njega ne vodi krivični postupak za krivično djelo za koje se goni po službenoj dužnosti,
 - f) da mu pravomoćnom presudom nije zabranjeno obavljanje određenih djelatnosti, odnosno dužnosti za vrijeme trajanja takve zabrane,
 - g) da ima odgovarajuću stručnu spremu potrebnu za obavljanje određene dužnosti. (Uslov koji će biti ispunjen po završetku vojne akademije).
2. **Posebni uslovi:**
 - a) završena srednja škola IV stepen (nastavnim planom i programom je predmet matematika bio zastupljen najmanje dvije, a predmeti hemija i fizika najmanje jedna školska godina),
 - b) da je u svakom razredu postigao/la najmanje vrlo dobar uspjeh (kandidati/kinje sa prosjekom ocjena odličan imat će prednost, ako dva ili više kandidata/kinja imaju jednak ukupan broj bodova),
 - c) da je prosjek ocjena iz matematike, hemije i fizike najmanje dobar (kandidati sa postignutim uspjehom vrlodobar i odličan imat će prednost, ako dva ili više kandidata/kinja imaju jednak ukupan broj bodova),
 - d) da nije mlađi/a od 18 i stariji/a od 20 godina na dan 01.09.2017. godine,

- e) znanje engleskog jezika (na provjeri poznavanja engleskog jezika da postigne minimalno 60 bodova na testu ALCPT),
- f) da su im tjelesna visina i težina u okviru definisanih standarda Oružanih snaga R. Turske,
- g) poznavanje rada na računaru (Word, Excel, Power Point, Internet),
- h) tjelesna spremnost:
 - kandidati/kinje moraju imati dobru tjelesnu spremnost, koja će biti provjerena kroz sljedeće discipline: trčanje (muškarci na 400 m, žene na 800 m), trbušnjaci, skok u dalj iz mjesta, zgibovi na vratilu i bacanje košarkaške lopte.
- i) da kandidati ne boluju od zaraznih bolesti (HIV, TBC, Hepatitis), kao i da ne boluju od astme i oboljenja srca,
- j) da nemaju smetnje u govoru,
- k) da kandidati nisu oženjeni/udati ili razvedeni, da nisu u drugom stanju i da nemaju zakonsku obavezu izdržavanja djece.

NAPOMENE: Kandidati/kinje prijavljeni na Javni konkurs proći će test tjelesne spremnosti, test iz poznavanja engleskog jezika, test općeg znanja i intervju. Sigurnosnu provjeru za svakog uspješnog kandidata/kinju izvršit će nadležni sektor Ministarstva odbrane Bosne i Hercegovine, a zdravstveni pregled kandidata/kinja, koji uspješno prođu testiranje, obavit će nadležna ustanova u organizaciji Ministarstva odbrane Bosne i Hercegovine.

Poznavanje turskog jezika je poželjno.

Rangiranja kandidata/kinja vršit će se na osnovu kriterija koje će odobriti Ministrica odbrane Bosne i Hercegovine i s kojima će biti upoznati kandidati/kinje koji budu pozvani na testiranja i provjere.

III - ŠKOLOVANJE, PRAVA I OBAVEZE

1. Školovanje kadeta na Vojnim akademijama Oružanih snaga Republike Turske traje pet godina i to prva godina je učenje turskog jezika.
2. Odabrani kandidati/kinje imat će status kadeta, čija će prava i obaveze biti regulisane u skladu članovima: 73, 142. i 143. Zakona o službi u Oružanim snagama Bosne i Hercegovine („Službeni glasnik BiH“, broj: 88/05, 53/07, 59/09, 74/10, 42/12 i 41/16) i članom 29. Zakona o platama i naknadama u institucijama Bosne i Hercegovine („Službeni glasnik BiH“, broj: 50/08, 35/09, 75/09, 32/12, 42/12 i 41/16).
3. Po završetku školovanja, kadeti će biti primljeni u profesionalnu službu u početnom činu oficira Oružanih snaga Bosne i Hercegovine - potporučnik, odgovarajućeg roda - službe.
4. Međusobne obaveze kandidata/kinja odabranih za školovanje na Vojnoj akademiji u Republici Turskoj i Ministarstva odbrane Bosne i Hercegovine regulišu se Ugovorom o školovanju.
5. Za vrijeme školovanja kadetima su osigurani smještaj i ishrana u internatu Vojne akademije.

IV - POTREBNI DOKUMENTI

- a) Prijava i lični (biografski) podaci, (isključivo po obrascima ponuđenim na www.mod.gov.ba).
- b) Ovjerene kopije svjedočanstava svih razreda srednje škole;
- c) Ovjerena kopija diplome četverogodišnje srednje škole;
- d) Original ili ovjerena kopija Uvjerenja o državljanstvu na novom obrascu, ali ne starije od šest (6) mjeseci.

- e) Original ili ovjerena kolija Izvoda iz matične knjige rođenih na novom obrascu, ali ne stariji od šest (6) mjeseci.
- f) Uvjerenje o nevođenju krivičnog postupka, ne starije od tri (3) mjeseca.
- g) Ovjerenu izjavu da lice nije predhodno otpušteno iz državne službe ili pravnog lica zbog povrede službene dužnosti u posljednje tri godine (obrazac se nalazi na službenoj internet stranici MO BiH – www.mod.gov.ba).
- h) Prijava boravišta CIPS-a ne starija od šest (6) mjeseci.
- i) Dokaz o poznavanju rada na računaru (za kandidate/kinje koji/e tokom školovanja nisu imali/e predmet informatika).

Napomena: Konkursna dokumentacija neće se vraćati kandidatima/kinjama.

V - ODABIR KANDIDATA

Odabir kandidata izvršit će Komisija koju će formirati Ministrica odbrane Bosne i Hercegovine.

Napomena: Testiranjima će prisustvovati i komisija koje će formirati Generalštab štab Oružanih snaga Republike Turske.

VI - PRIJAVA NA JAVNI KONKURS

Sve tražene dokumente treba dostaviti preporučeno putem poštanske službe na adresu:

Ministarstvo odbrane Bosne i Hercegovine

Ul. Hamdije Kreševljakovića 98

71 000 Sarajevo

S naznakom „Javni konkurs za školovanje kadeta u Republici Turskoj“

Konkurs ostaje otvoren petnaest (15) dana od dana objavljivanja. Ispunjenje uslova utvrđenih ovim Javnim konkursom računa se danom predaje prijave.

Nepotpune, neblagovremene i neuredne prijave, prijave kandidata koji ne ispunjavaju uslove ovoga Javnog konkursa kao i kopije tražene dokumentacije koje nisu ovjerene, neće se uzeti u razmatranje.

Broj: 10-33-2-2418-3/17
Sarajevo, 01.06.2017.godine

MINISTRICA

Marina Pendeš